

namjenski utrošenim novčanim sredstvima dodijeljenim na osnovu ovog Pravilnika.

- (3) Ukoliko korisnik sredstava ne dostavi finansijski izvještaj sa svom pratećom dokumentacijom o namjenskom utrošku sredstava dužan je izvršiti povrat istih uplatom na račun Općine Centar Sarajevo, u suprotnom će se sredstva potraživati putem nadležnog suda.

Član 10.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo", a isti će biti objavljen i na Oglasnoj ploči i web stranici Općine Centar Sarajevo.

Član 11.

Stupanjem na snagu ovog Pravilnika prestaje da važi Pravilnik o raspodjeli novčanih sredstava za dodjelu jednokratne novčane pomoći putem finansiranja i sufinansiranja troškova nabavke ortopedskih pomagala i prilagođavanja stambenih objekata broj 09/B-14-5535/19 od 05.12.2019. godine.

Broj 10-03-43/21
04. marta 2021. godine
Sarajevo

Općinski načelnik
Srdan Mandić, s. r.

Napomena:

Pravilnik je objavljen na oglasnoj ploči Općine Centar Sarajevo dana 12.04.2021. godine.

OPĆINA STARI GRAD

Općinsko vijeće

Općinsko vijeće Stari Grad Sarajevo, na sjednici održanoj dana 25.03.2021. godine, rješavajući po zahtjevu Općinskog pravobranilaštva, na osnovu člana 23. stav 1. Zakona stvarnim pravima ("Službene novine Federacije BiH", br. 66/13, 100/13), člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), članova 83. i 84. Poslovnika Općinskog vijeća Stari Grad - prečišćeni tekst ("Službene novine Federacije BiH", broj 49/17) i Zaključka Općinskog vijeća Stari Grad broj: 02-49-250/19 od 27.06.2019. godine, donosi

ODLUKU

O ISPLATI NAKNADE MALINI RAŠEL ROĐ. BARUHOVIĆ

Član 1.

Odobrava se isplata naknade Malini Rašel rođ. Baruhović, u iznosu od 103.950,00 KM (slovima: stotinu tri hiljade i devet stotina pedeset konvertibilnih maraka), za udio od 3/8 na parceli označenoj po starom premjeru kao k.č. 55 k.o. Sarajevomahala XL (prije postupka harmonizacije), što po novom premjeru odgovara kao dio k.č. broj 1958/1 i dio k.č. broj 1952/1 k.o. Sarajevo XI, a na kojoj je u zemljišnoknjižnom ulošku broj 44, k.o. Sarajevo-Mahala XL u "C" listu imenovana, prije postupka harmonizacije, bila uknjižena sa pravom korištenja sa udjelom od 3/8, a što daje površinu suvlasničkog dijela od 87 m², u svrhu realizacije projekta izgradnje stambeno-poslovnog objekta u ulici Dženetića čikma bb.

Član 2.

Naknada u iznosu od 103.950,00 KM (slovima: stotinu tri hiljade i devet stotina pedeset konvertibilnih maraka), utvrđena je na osnovu stručne procjene stalnog sudskog vještaka građevinske struke Filipović Krešimira, dipl. ing. građ. od 09.11.2020. godine.

Član 3.

Iznos od 103.950,00 KM, isplatit će se iz Budžeta Općine Stari Grad Sarajevo, na teret pozicije "otkup zemljišta", na račun punomoćnika Maline Rašel rođ. Buturović, Nenada Maglajlića advokata iz Sarajeva broj 1610000040420008, koji se vodi kod Raiffeisen bank dd Bosna i Hercegovina, u roku od trideset dana od dana prezentiranja dokaza o brisanju zabilježbi svih uloženi žalbi koje se odnose na zemljište označeno kao k.č. broj 1961/2, dio k.č. broj 1952/1, dio k.č. broj 1958/1, dio k.č. broj 1957/1 i k.č. broj 1959 k.o. Sarajevo XI, dokaza o odricanju prava na žalbu i daljih potraživanja na naprijed navedene nekretnine, kao i dokaza o odustajanju od svih uloženi žalbi u upravnom postupku vezanih za predmetnu izgradnju na naprijed označenom zemljištu.

Član 4.

Ovlašćuje se Općinski načelnik da poduzme sve neophodne radnje za realizaciju ove Odluke.

Član 5.

Ova Odluka stupa na snagu narednog dana od dana objavljivanja na Oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-45-189/21
25. marta 2021. godine
Sarajevo

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 20/13) - Prečišćeni tekst, Općinsko vijeće Stari Grad, na sjednici održanoj dana 25.03.2021. godine, donosi

ODLUKU

O REGISTRU IMENOVANIH LICA OPĆINSKOG VIJEĆA STARI GRAD SARAJEVO

Član 1.

(Predmet regulisanja)

Ovom Odlukom propisuje se način vođenja Registra imenovanih lica Općinskog vijeća Stari Grad Sarajevo (u daljem tekstu: Registar), obaveza unosa podataka, obim i mjera obrade podataka, vremenski period obrade podataka, odgovornost za autentičnost i tačnost podataka, rokovi unosa i brisanja podataka i uređuju se druga pitanja koja se odnose na Registar.

Član 2.

(Primjena Odluke)

- (1) Ovu Odluku dužno je primjenjivati Općinsko vijeće Stari Grad Sarajevo.
- (2) U Registar se evidentiraju podaci predviđeni ovom Odlukom o imenovanim licima koja obavljaju sljedeće javne funkcije u Općini i to:
 - predsjedavajući i zamjenici predsjedavajućeg Općinskog vijeća Stari Grad Sarajevo,
 - vijećnici Općinskog vijeća Stari Grad Sarajevo,
 - predsjednik i članovi komisija, savjeta i drugih imenovanih radnih tijela u Općini koja obrazuje Općinsko vijeće Stari Grad Sarajevo.

Član 3.

(Svrha uspostavljanja Registra)

Registar iz člana 1. ove Odluke, služi kao jedinstvena evidencija podataka o predsjedavajućem i dopredsjedavajućima Općinskog vijeća Stari Grad Sarajevo, te o komisijama, savjetima i drugim imenovanim radnim tijelima obrazovanim od strane Općinskog vijeća Stari Grad Sarajevo, a u svrhu prevencije mogućih pojava sukoba interesa.

Član 4.

(Vođenje Registra)

- (1) Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) je nadležan za vođenje Registra, na osnovu podataka o imenovanim licima koje neposredno unosi ovlašteno lice Općine Stari Grad Sarajevo u Registar.
- (2) Općinski načelnik je dužna imenovati ovlašteno lice za unos podataka o imenovanim licima u Općini iz člana 2. Odluke.
- (3) Licu iz prethodnog stava ovog člana Ured će dodijeliti pristupne podatke za unos podataka o imenovanim licima u Registar.
- (4) Upravljanje Registrom, praćenje rokova za dostavu i brisanje podataka reagovanje prema predsjedavajućem Općine Stari Grad Sarajevo u slučaju nepoštivanja ove Odluke u bilo kom segmentu u nadležnosti je Ureda.

Član 5.

(Sadržaj Registra)

- (1) Putem ovlaštenog lica neposredno se unose (evidentiraju) u Registar sljedeći podaci o imenovanim licima:
 - a) ime i prezime,
 - b) funkcija imenovanja,
 - c) naziv Institucije/općine u koju je izvršeno imenovanje,
 - d) sjedište Institucije/općine u koju je izvršeno imenovanje,
 - e) datum početka obnašanja imenovane funkcije,
 - f) datum kraja obnašanja imenovane funkcije,
 - g) da li je predviđena naknada za obnašanje imenovane funkcije (Da/Ne),
 - h) iznos naknade,
 - i) vrsta naknade (jednokratna, mjesečna, tromjesečna, kvartalno, godišnja, po predmetu, kandidatu, učinku, sjednici i dr.),
 - j) naziv radnog mjesta lica iz tačke a) ovog stava u pravnom licu u kojem je zaposleno,
 - k) stručna sprema lica iz tačke a) ovog stava,
 - l) status vlasništva pravnog lica u kojem je lice tačke a) ovog stava zaposleno,
 - lj) saglasnost rukovodioca u slučajevima predviđenim zakonom i drugim propisom,
 - m) ukupan broj funkcija na koje je lice iz tačke a) ovog stava imenovano,
 - n) da li postoji izjava da imenovano lice nije u sukobu interesa u Instituciji u kojoj obnaša imenovanu funkciju, ako je obavezna u skladu sa zakonom i drugim propisima.
- (2) U slučaju da imenovano lice, po isteku perioda iz stava 1. tačka f) ovog člana nastavi obnašati funkciju a o tome ne bude donesena posebna odluka/rješenje koja bi podlijeerala unosu podataka u Registar Općinsko vijeće Stari Grad Sarajevo je putem Stručne službe Općinskog vijeća, dužno odmah, a najkasnije u roku od 7 dana od datuma kraja obnašanja funkcije u pisanoj formi obavijestiti Ured o navedenom.

Član 6.

(Obaveza unosa podataka)

- (1) Podaci iz člana 5. stav (1) Odluke neposredno se unose (evidentiraju) u Registar, putem ovlaštene osobe kojoj će Ured dodijeliti pristupne podatke.
- (2) Općinski načelnik je dužan imenovati ovlaštenu osobu za neposredan unos podataka o imenovanim licima u Registar i dostaviti Uredu u roku od 15 dana od dana stupanja na snagu ove Odluke.

- (3) Ovlaštena osoba dostavlja, na službeni e-mail Uredu, akte (rješenje, odluka ili drugi akt) kojim se dokazuje datum početka i kraja obnašanja imenovane funkcije, u roku od 10 dana od dana izvršenog imenovanja.
- (4) Ovlaštena osoba dostavlja Uredu akte iz člana 5. stav (1) tačke lj) i n) na način i u rokovima iz stava (2) ovog člana.
- (5) Nepostupanje u skladu sa odredbama iz stava (1) ovoga člana predstavlja tešku povredu službene dužnosti za lice iz člana 4. stav 2 ove Odluke, odnosno tešku povredu radne obaveze.

Član 7.

(Blagovremenost podataka)

- (1) Unos podataka o svim imenovanim licima Općinskog vijeća Stari Grad Sarajevo u Registar izvršit će se u roku od 30 dana od dana stupanja na snagu ove Odluke.
- (2) Podatke o novoimenovanim licima, ovlašteno lice unosi u Registar u roku od 10 dana od dana imenovanja na funkciju iz člana 2 stav (2) Odluke.
- (3) Sve promjene podataka o imenovanim licima u Općini ovlaštena osoba unosi u Registar u roku od 10 dana od dana izvršenih promjena.
- (4) Lice iz člana 6. stav (2) Odluke odgovorno je za tačnost i blagovremenost unesenih podataka.

Član 8.

(Obim i mjera obrade)

Podaci o imenovanim licima iz člana 5. ove Odluke mogu se obrađivati u obimu i mjeri koji je neophodan za ostvarenje svrhe iz člana 3. ove Odluke.

Član 9.

(Vremenski period obrade)

- (1) Podaci o imenovanim licima iz člana 5. stav (1) ove Odluke obrađuju se za vrijeme trajanja perioda imenovanja, odnosno godinu dana nakon isteka perioda imenovanja, razrješenja ili drugog načina prestanka obnašanja imenovane funkcije.
- (2) U slučaju da imenovano lice, bez donošenja posebne odluke/rješenja, ostane na imenovanoj funkciji nakon isteka perioda imenovanja, podaci će se obrađivati za period faktičkog obnašanja imenovane funkcije i godinu dana računajući od dana odstupanja sa imenovane funkcije.
- (3) Period obrade podataka može se mijenjati u slučaju da se promijene zakonski ili podzakonski propisi koji tretiraju predmetnu oblast.

Član 10.

(Autentičnost i tačnost unesenih podataka)

- (1) Odgovornost za tačnost i istinitost podataka unesenih u Registar isključivo je na Stručnoj službi Općinskog vijeća i licu ovlaštenom za unos podataka u Registar.

Član 11.

(Izmjena, čuvanje i korištenje podataka)

- (1) Ured vrši obradu svih unesenih podataka i javno objavljuje na web stranici informacionog sistema Ureda.
- (2) Podaci koji se u Registar unose na način predviđen u članu 4. ove Odluke čuvaju se i štite u skladu sa posebnim propisima.

Član 12.

(Objavlivanje podataka)

Podaci o imenovanim licima objavljuju se javno na web stranici Informacionog sistema Ureda i web stranici Općine.

Član 13.

(Nadzor nad primjenom Odluke)

- (1) Odredbe ove Odluke obavezno se primjenjuju na Općinu Stari Grad Sarajevo i Općinsko vijeće Stari Grad Sarajevo.

(2) Nadzor nad primjenom Odluke vrši Ured.

Član 14.

(Stupanje na snagu Odluke)

Ova Odluka stupa na snagu danom donošenja, a naknadno će biti objavljivana na oglasnoj ploči i u "Službenim novinama Kantona Sarajevo".

Broj 02-45-186/21
25. marta 2021. godine
Sarajevo

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Na osnovu člana člana 25. Statuta Općine Stari Grad Sarajevo - ("Službene novine Kantona Sarajevo", broj 20/13 - Prečišćeni tekst i članova 2. i 3. Odluke o osnivanju Drugostepene stručne komisije ("Službene novine Kantona Sarajevo", broj 15/07), Općinsko vijeće Stari Grad Sarajevo, na sjednici održanoj dana 25.03.2021. godine, donosi

RJEŠENJE

O IMENOVANJU PREDsjedNIKA, ZAMJENIKA PREDsjedNIKA I ČLANOVA DRUGOSTEPENE STRUČNE KOMISIJE

I

Imenuje se Drugostepena stručna komisija (u daljem tekstu: Komisija), u sastavu:

1. Adela Plakalo, mr. prava, predsjednik Komisije
2. Muhterema Kugić, dipl. pravnik, zamjenik predsjednika Komisije
3. Aldiana Kavazović, dipl. pravnik, član Komisije
4. Sadžida Brkanić, dipl. pravnik, član Komisije
5. Indira Hodžić, dipl. pravnik, član Komisije

II

Mandat članova Drugostepene stručne komisije traje koliko i mandat Općinskog vijeća koje ih je imenovalo.

III

Predsjednik, zamjenik predsjednika i članovi Drugostepene stručne komisije imaju pravo na mjesečnu naknadu za svoj rad, i to:

- predsjednik Komisije u iznosu od 70,00 KM
- zamjenik predsjednika i članovi Komisije u iznosu od 60,00 KM

Ukoliko sa zakazane sjednice izostane predsjednik, zamjenik predsjednika ili član Komisije iz bilo kojeg razloga, naknada iz prethodnog stava neće biti isplaćena.

Ukoliko sa zakazane sjednice izostane predsjednik Komisije, istom predsjedava zamjenik predsjednika i stiće pravo na naknadu koja je utvrđena za predsjednika Komisije.

IV

Stupanjem na snagu ovog Rješenja prestaje da važi rješenja Općinskog vijeća Stari Grad Sarajevo broj 02-49-616/16 od decembra 2016. godine i broj 02-49-111/20 od februara 2020. godine.

V

Ovo Rješenje stupa na snagu danom donošenja, a naknadno će biti objavljeno na oglasnoj ploči Općine Stari Grad Sarajevo i u "Službenim novinama Kantona Sarajevo".

Broj 02-45-187/21
25. marta 2021. godine
Sarajevo

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

OPĆINA TRNOVO

Općinsko vijeće

Na osnovu člana 90. Zakona o budžetima u Federaciji Bosne i Hercegovine ("Službene novine Federacije BiH", 102/13, 9/14, 13/14, 8/15, 9/15, 102/15 i 104/16) i člana 10. Odluke o izvršavanju Budžeta općine Trnovo za 2020. godinu ("Službene novine Kantona Sarajevo", br. 3/18 i 33/18), Općinsko vijeće Trnovo, na 3. sjednici održanoj dana 30.3.2021. godine, usvojilo je

IZVJEŠTAJ

O IZVRŠENJU BUDŽETA OPĆINE TRNOVO ZA PERIOD 01.01.2020. DO 31.12.2020. GODINE

Budžet Općine Trnovo za period 01.01.2020. do 31.12.2020. godine, izvršen je:

OPIS	PLANIRANO	IZVRŠENO	%
I- UKUPNI PRIHODI I PRIMICI I PRENEŠENA SREDSTVA RANIJIH GODINA	27.703.583,59	24.763.613,03	89,39%
II- UKUPNI RASHODI I IZDACI	27.453.583,59	13.555.651,92	49,38%
III- TEKUĆA REZERVA	250.000,00	41.771,81	16,71%
IV- OSTVARENI VIŠAK PRIHODA NAD RASHODIMA U 2020.GODINI (SUFICIT I- II - III)		11.166.189,30	
VI-STANJE NOVČANIH SREDSTAVA NA KRAJU 2020. GODINE		11.223.551,86	